



Osumnjičeni za ratni zločin u Ilijašu

SIPA uhapsila šest pripadnika ARBiH

Tužilaštvo ih sumnjiči za ubistva najmanje 30 žrtva srpske nacionalnosti

Postupajući po naredbi Tužilaštva BiH, policijski službenici **Državne agencije za istrage i zaštitu (SIPA)** jučer su na području općina Kakanj i Ilijaš uhapsili šest osoba zbog ratnog zločina. Uhapšeni su Teufik Turudić, Mirsad, Nusret i Mirzet Bešlija, Hamdija Spahić i Senad Sikira.

Radi se o nekadašnjim pripadnicima TO i Armije RBiH, osumnjičenim za ratni zločin nad najmanje 30 žrtava srpske nacionalnosti na području Ilijaša u junu 1992. godine.

Osumnjičeni su pod istragom da su u svojstvu za-



SIPA: Akcija provedena u Kakanju, Ilijašu i Brezi

povjednika i pripadnika struktura TO i Armije RBiH iz Kakanja, Ilijaša i Breze, 10. juna 1992. godine, učestvovali u napadu na selo Čemerno, nastanjeno sta-

novništvom srpske nacionalnosti.

- Tokom napada počinjen je ratni zločin u kojem je ubijeno oko 30 osoba srpske nacionalnosti, oba spola, među kojima je najmlađa žrtva imala 16, a najstarija više od 80 godina, a među kojima je bilo i oko deset žena – kažu iz Tužilaštva BiH.

Zločin u Čemernom predstavlja jedan od najtežih zločina nad žrtvama srpske nacionalnosti na području Ilijaša i okolice, navode iz ove pravosudne institucije.

M. Aš.